

Ո Ր Ո Շ ՈՒ Մ

Ճանապարհային ոստիկանության վարչական իրավախախտման գործով 02.03.2021թ. կայացված ԱՖ604288 որոշումն անփոփոխ, իսկ վարչական բողոքն առանց բավարարման թողնելու մասին

<<ՁԵ>> 03 2020թ. 7-13- 5142

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս վերանայելով Հայրապետ Կարապետյանի ՄԴ/20887--21 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Աշտարակ քաղաքի, Պոռշյան փողոցի, 52 տան բնակիչ Հայրապետ Կարապետյանը դիմումով խնդրել է բեկանել Ճանապարհային ոստիկանության վարչական իրավախախտման գործով կայացված ԱՖ604288 որոշումը՝ նշելով իր անհամաձայնությունը:

Վերջինս հեռախոսակապի միջոցով պնդել է դիմումում նշած հանգամանքները և պահանջել գրավոր պատասխան:

Դիմումի քննարկման արդյունքում պարզվել է, որ վարչական իրավախախտման գործով կայացված ԱՖ604288 որոշումը ենթակա է կատարման հետևյալ պատճառաբանությամբ:

Վարչական իրավախախտումների վերաբերյալ ՀՀ օրենսգրքի 126-րդ հոդվածի 1-ին մասի համաձայն տրանսպորտային միջոցները ոչ սթափ վիճակում վարելը, եթե վարորդը միայն ալկոհոլի ազդեցության տակ է, և զանցանքը չի պարունակում սույն հոդվածի երկրորդից վեցերորդ մասերի հատկանիշները՝ առաջացնում է տուգանքի նշանակում՝ սահմանված նվազագույն աշխատավարձի հարյուրիսնապատիկի չափով: Նույն հոդվածի 2-րդ մասի համաձայն՝ սույն հոդվածի առաջին մասով նախատեսված արարքը կատարելը, եթե վարորդի արյան մեկ լիտրի մեջ մաքուր ալկոհոլի պարունակությունը գերազանցում է 1 գրամը կամ եթե նրա մեկ լիտր արտաշնչած օդի մեջ մաքուր ալկոհոլի պարունակությունը գերազանցում է 0.5 միլիգրամը՝ առաջացնում է տրանսպորտային միջոցներ վարելու իրավունքից զրկում՝ մեկ տարի ժամկետով:

Ուսումնասիրությամբ պարզվել է, որ 02.03.2021թ. ժամը 21:00-ի սահմաններում, Աշտարակ քաղաքի Երևանյան փողոցում անկանոն երթևեկելու համար՝ Հայրապետ Կարապետյանի վարած <<PAZ>> մակնիշի 3249L հաշվառման համարանիշի ավտոմոբիլը կանգնեցվել է ՀՀ ոստիկանության, Աշտարակի բաժնի, ՊՊԾ դասակի, 2-րդ ջոկի ոստիկան, ոստիկանության սերժանտ Է.Բաբաջանյանի կողմից: Իրավախախտումն արձանագրելու համար դեպքի վայր է հրավիրվել ՃՊԾ 2-րդ սպայական գումարտակի, 2-րդ սպայական վաշտի, 1-ին սպայական դասակի տեսուչ Է.Մելքոնյանը: Սթափության վիճակի զննությամբ /**զննման կտրոն թիվ 02093** / պարզվել է որ վարորդ Հայրապետ Կարապետյանի կողմից արտաշնչած օդի մեջ ալկոհոլի պարունակությունը կազմել է 0,570 մգ/լ, այսինքն վարորդն ավտոմոբիլը վարել է՝ գտնվելով ոչ սթափ վիճակում, ինչի վերաբերյալ կազմվել է համապատասխան արձանագրություն, որին ծանոթանալով՝ վերջինս ստորագրել է համապատասխան տողերում՝ նշելով որ օգտագործել է մեկ գավաթ գարեջուր:

02.03.2021թ. տեսուչ Է.Մելքոնյանի կողմից կայացվել է ԱՖ604288 վարչական իրավախախտման գործով որոշումը՝ Հայրապետ Կարապետյանին վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով վարչական պատասխանատվության ենթարկելու մասին:

Ճանապարհային ոստիկանության ծառայողի կողմից տրված պարզաբանման համաձայն՝ վարորդի սթափության վիճակի գննությունը անցկացվել է <<Jupiter>> տեսակի թիվ 860895 գործարանային համարի <<Ալկոտեստեր>> սարքով, որի արդյունքում պարզվել է, որ վարորդ 1լ արտաշնչած օդի մեջ ալկոհոլի պարունակությունը կազմել է 0,570 մգ/լ: Իր կողմից կազմվել է համապատասխան արձանագրություն, և վարորդը ծանոթանալով՝ ստորագրել է արձանագրության համապատասխան տողերում՝ նշելով որ օգտագործել է մեկ գավաթ գարեջուր: 02.03.2021թ. կայացվել է ԱՖ604288 վարչական իրավախախտման գործով որոշումը՝ Հայրապետ Կարապետյանին վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով վարչական պատասխանատվության ենթարկելու մասին: Ոստիկանության ծառայողը նշել է նաև, որ իր և վարորդի միջև ծառայողական բնույթի խոսակցություններից բացի՝ այլ խոսակցություններ տեղի չեն ունեցել, ինչպես նաև ներկայացրել է նաև <<Ալկոտեստեր>> սարքի ստուգաչափման մասին թիվ 038857 ստուգաչափման վկայականը: Հարկ է նշել, որ <<Jupiter>> տեսակի թիվ 860895 գործարանային համարի <<Ալկոտեստեր>> սարքը ստուգաչափված է Հայաստանի Հանրապետության Էկոնոմիկայի նախարարության<<Ստանդարտիզացման և չափագիտության ազգային մարմին>> ՓԲԸ-ի կողմից, որն ուժի մեջ է 27.10.2020թ-ից մինչև 27.10.2021թ. և դրանով արձանագրված սթափության աստիճանը կասկած չի առաջացնում:

Այսպիսով դիմումատուի արարքում առկա է վարչական իրավախախտումների վերաբերյալ ՀՀ օրենսգրքի 126-րդ հոդվածի 2-րդ մասով նախատեսված զանցակազմը, ուստի ելնելով վերոգրյալից և ղեկավարվելով վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման գործով 02.03.2021թ. կայացված ԱՖ604288 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Հայրապետ Կարապետյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան